



Arkivnr: 2014/13889-97  
Saksbehandlar: Lise Fauskanger Ådlandsvik

## Saksframlegg

### Saksgang

Utval	Saknr.	Møtedato
Fylkestrafikksikringsutvalet i Hordaland		20.02.2018

### Aktivitetsmidlar for 2018 - søknad frå Trygg Trafikk

#### Samandrag

Trygg Trafikk sine til årlege aktivitetsmidlar vert dekkja over Fylkestrafikksikringsutvalet (FTU) sitt budsjett. Distriktsleiaren utarbeidar kvart år ein søknad til FTU med omtale av dei planlagde aktivitetane det kommande året. Søknaden for 2018 er på 750.000 kr, og det er sett opp fem hovudaktivitetar. Fylkesrådmannen rår til midlane vert tildelt slik det går fram av søknaden.

**Økonomi:** Årleg løyving i Fylkestrafikksikringsutvalet sitt budsjett.

**Klima:** Ingen.

**Folkehelse:** Ulike aktivitetar som fremjar fleire gåande og syklande.

**Regional planstrategi:** Ein del av Investeringsprogrammet for fylkesvegnettet i Hordaland.

#### Forslag til vedtak

Trygg Trafikk Hordaland vert tildelt 750.000 kr i aktivitetsmidlar for 2018.

Rune Haugsdal  
fylkesrådmann

Håkon Rasmussen  
fylkesdirektør samferdsel

*Saksframlegget er godkjent elektronisk og har derfor inga underskrift.*

**Fylkesrådmannen, 22.01.2018****Bakgrunn**

Trygg Trafikk sine til årlege aktivitetstilskottar vert dekkja over Fylkestrafikksikringsutvalet (FTU) sitt budsjett. Distriktsleiaren utarbeidar kvart år ein søknad til FTU med omtale av dei planlagde aktivitetane det kommande året. Søknaden for 2018 er på 750.000 kr, og det er sett opp fem hovudaktivitetar.

**Om aktivitetstilskottane til Trygg Trafikk**

Aktivitetstilskottane til Trygg Trafikk er ei ordning som ligg fast, og er regulert gjennom eigne avtalar. Tilskottane vert å hente frå FTU sitt budsjett. Aktivitetstilskottane er grunnlaget for distriktsleiaren sine oppgåver i fylket. Kjerneområda til Trygg Trafikk har tradisjonelt vore retta mot born og unge, og i stor grad vore trafikkopplæringsaktivitetar i barnehage og skule. Dette er framleis særleg viktig område for Trygg Trafikk, samstundes som det går klart fram av søknaden at arbeidet med «Trafikksikker kommune» er eit stort prosjekt og viktig satsingsområde som distriktsleiaren i Hordaland vil bruke mykje ressursar på. Dette er i samsvar med Hordaland fylkeskommune sine prioriteringar og målsetjingar. Nytt for 2018 er også arbeid med hjertesone i Bergen kommune, der kommunen og fylkeskommunen har gått saman om ei prosjektleiarstilling som er lagt til Trygg Trafikk. Tilskottane til denne stillinga går over ein eigen post i FTU sitt budsjett.

I den grad det er trong for det så ønskjer distriktsleiaren å ha handlingsrom til å kunne omdisponere mellom tiltaka og aktivitetane innanfor ramma på 750.000 kr. Distriktsleiaren vil til ei kvar tid kunne rapportere til FTU på bruk av tilskottane gjennom året, i tillegg til den faste årsrapporten. Ved større budsjettendringar innanfor aktivitetstilskottane, så kan FTU be om at dette vert lagt fram som eiga sak.

**Aktivitetstilskottane i ulike fylke**

Det er ei fastsett ordning at Trygg Trafikk sine distriktsleiarar får tilskottane til sine aktivitetane gjennom den einskilde fylkeskommune og FTU. Totalramma til aktivitetstilskottane varierer, og heng sjølvstendig saman med storleiken på fylket og kostnader rundt dei ulike satsingsområda og tiltaka.

Når det gjeld Hordaland så har det dei siste åra vore ei auke i aktivitetstilskottane til Trygg Trafikk. Frå 340.000 kr i 2014 til 570.000 kr i 2016. I 2017 vart Trygg Trafikk tildelt 730.000 kr i aktivitetstilskottar. Dei to siste åra har det vore ei vesentleg auke samanlikna med tidlegare år, men det heng saman med stadig nye og utviklande arbeidsoppgåver og – metodar. Ikkje minst store prosjekt som Trafikksikker kommune.

Samanliknar ein aktivitetstilskottane dei ulike distriktsleiarane har til rådvelde så ligg Hordaland godt under mange av dei andre fylka. Særleg aktuelle fylker for Hordaland å samanlikne seg med er Rogaland, Sør-Trøndelag og Akershus.

**Andre utgifter knytt til distriktsleiaren sitt arbeid**

Når det gjeld distriktsleiaren sine utgifter til husleige, reise, kontorhald og liknande vert også dette dekkja over fylkeskommunen sitt budsjett, men er ikkje ein del av aktivitetstilskottane. Tilskottane vert ført som ein eigen post i driftsbudsjettet til fylkesvegane.

**Fylkesrådmannen sine kommentarar**

Distriktsleiaren sitt arbeid er vidareutvikla dei siste par åra, og fylkesrådmannen ser at det vert arbeid godt med dei ulike prosjekta. Oppfølginga og koplinga til fylkeskommunen sin handlingsplan og nasjonale målsetjingar er godt fundert. Fylkesrådmannen rår til tilskottane vert tildelt slik det går fram av søknaden.